



# Von den Gelehrten Weisnern.

Der XXV. Tittel.



**A**lbertus der XVII. Bischoff

Albertus  
Bischoff zu  
Weissen.

zu Meissen / sol ein Sorbischer Herr gewesen sein / Dieser weil er von jugende auff studiret / vnd seiner beredsamkeit vnd weisheit wegen / für andern dieses ortes Prelaten zu seiner zeit berühmet gewesen / ist dessen wegen auch wie man schreibt wegen der Sclauonischen sprach / von Keyser Conrado dem 3. als ein Legat zum Griechischen Keyser Immanuel gen Constantinopel geschickt worden.

**M**artinus der XX. Bischoff zu

Martins  
Bischoff zu  
Weissen.

Meissen / sol in der gegendt des Klosters Lauterberg sein geborn gewesen / darinnen er auch erstlich ein *Canonicus Regularis* worden / nachmals

*Canonicus* zu Meissen / etc. Dieser ist sonderlich ein gutter *Historicus* gewesen / auch seiner zeit geschichten mit fleiß *obseruirt* / derwegen er denn in seinen Brieffen den gebrauch gehabt / das er alle mahl zu Ende / etliche fürneme Historien / so sich dasselbe Jahr oder gleich vmb die zeit der geschriebenen *Diplomatum* zugetragen / assigniret. Doraus denn zu sehen / das solches was Gelehrte Leut / zu vnsern zeiten für eine gute gewohnheit / vnd noch haben / Nemlich etwas so an den Tagen / doran die Brieffe geben werden / geschehen / zu Ende derselben zu setzen / nicht gar neue sey.

**S**iffridus von Meissen ein Priester daselbs / hat floriret vmb das Jahr 1307. Denn in demselben höret sein Chronicon auff / welches er von anfang der Welt perteriret / daraus Georgius Fabricius ein Epitomen gezogen / von dem Jahr Christi 458. an : Darinnen viel / so in andern Historien nicht auff solche weise zu finden ist. Ich habe aber solche Chronicon / wie es anfänglich geschrieben worden / vnd vnuerfürst / noch nicht zu sehen bekommen mögen.

Siffridus  
de Myjna.

**V**incentius Grüner zu Leipzig bürtig / ein fürtrefflicher Schul Lehrer zu seiner zeit / Ist vnter andern ein vrsach gewesen / das Churfürst Friderich der Erste / die Studenten so von Prage gewichen waren / zu Leipzig auffgenommen / vnd ihnen eine Hohe Schul gestiftet. Derwegen er auch in derselben Newen Vniuersitet der erste *Ordinarius Professor Theologiae* worden / vnd dieselbe in ein gutes auffnehmen

Vincentius  
Grüner.